

ANELA KARAHASAN

*Koordinatorica
programa za ekonomsko
osnaživanje žena*



NAŠE WEPs PUTOVANJE PRINCIP 4: **OBRAZOVANJE I OBUKA ZA NAPREDOVANJE U KARIJERI**

Pandemija korona virusa prouzročila je dodatnu marginaliziranost žena na tržištu rada, povećala nasilje i zlostavljanje u porodici, onemogućila održavanje direktnih poslovnih susreta, sajmova, umrežavanja poduzetnica, što je ukazalo na prijeku potrebu za edukacijom i osnaživanjem žena, naročito u svijetu informacionih tehnologija.

U cilju profesionalnog razvoja i poticanja poduzetnica i žena iz svijeta biznisa na upotrebu IT rješenja, Privredna/Gospodarska komora Federacije Bosne i Hercegovine (FBiH) je u okviru projekta s Gender Centrom Vlade FBiH izradila B2B platformu za online poslovne susrete i umrežavanje poduzetnica i žena u biznisu. Platforma omogućava niz korisnih informacija i savjeta, naročito informacija o javnim pozivima i grantovima domaćih i međunarodnih donatora, besplatno online predstavljanje biznisa i veću vidljivost žena, što je od krucijalnog značaja u njihovom osnaživanju.

Izazove na tržištu s kojima se kompanije danas susreću zahtjevaju vođstvo koje ne samo da treba inspirirati zaposlene, već pokazati vještine emocionalne inteligencije i aktivnog slušanja. Edukacija, treninzi i programi za profesionalno usavršavanje doprinose osnaživanju žena i bržem prevazilaženju izazova, obzirom da su u startu manje zastupljene u određenim sektorima i na rukovodećim pozicijama. Ako im se pruže jednake prilike u sektorima gdje prvenstveno dominiraju muškarci, žene mogu znatno doprinijeti raznolikosti organizacijske kulture, razvoju kolektiva, te postizanju uspjeha na tržištu, što je i cilj svakog poslovnog subjekta.